

Na osnovu člana 10. i 12. Zakona o Udruženjima i fondacijama Republike Srpske („Sl. glasnik Republike Srpske“ broj: 52/01 i 42/05), Osnivačka skupština Internacionalnog udruženja za zaštitu prava pacijenata „PACIJENT“, na sjednici održanoj dana 21. 10. 2013. godine, usvojila je

## **STATUT Internacionalno udruženje za zaštitu prava pacijenata „PACIJENT“**

### **I OPŠTE ODREDBE**

#### Član 1.

Ovim Statutom uređuje se:

- naziv i sjedište udruženja;
- ciljevi i djelatnosti udruženja;
- postupak prijema i isključenje članova;
- prava i obaveze članova udruženja;
- organi udruženja;
- sredstva udruženja način korištenja i kontrola;
- javnost rada;
- izmjene i dopune statuta;
- oblik i sadržaj pečata;
- zastupanje udruženja;
- statusne promjene udruženja;
- raspolaganje imovinom i preostalim sredstvima udruženja;
- posebne odredbe;
- prelazne i završne odredbe.

#### Član 2.

Internacionalno udruženje za zaštitu prava pacijenata „PACIJENT“ ( u daljem tekstu: Udruženje) je dobrovoljno, nezavisno, nevladino, nestranačko, nereligijsko i neprofitno udruženje, osnovano na neodređeno vreme radi ostvarivanja ciljeva iz oblasti zdravstva sa svrhom djelovanja za opšte dobro kroz promociju i zaštitu univerzalnih prava korisnika zdravstvene zaštite pacijenata.

#### Član 3.

Udruženje ima svojstvo pravnog lica koje stiče nakon upisa u registar kod nadležnog organa u skladu sa Zakonom.

### **II NAZIV, SJEDIŠTE I PODRUČJE DJELOVANJA UDRUŽENJA**

#### Član 4.

Naziv udruženja je: Internacionalno udruženje za zaštitu prava pacijenata „PACIJENT“.  
Skraćeni naziv: Internacionalno udruženje „PACIJENT“.

Naziv udruženja na engleskom jeziku: International Association for the Protection of Patients' Rights „PATIENT“.

Skraćeni naziv udruženja na engleskom jeziku: International Association „PATIENT“.  
Sjedište Udruženja: Banja Luka, a djeluje u zemlji i inostranstvu u skladu sa pozitivnim propisima.

### **III CILJEVI I DJELATNOSTI UDRUŽENJA**

#### **Član 5.**

Ciljevi Udruženja su: sprečavanje diskriminacije pacijenata po bilo kojoj osnovi, promocija Evropske povelje o pravima pacijenata kao osnovnog dokumenta za reformu zdravstvenog sistema, monitoring realnosti prava pacijenata, borba protiv korupcije, prevara i zloupotreba koje utiču na ostvarivanje prava pacijenata, promocija zdravog načina života pacijenata, promocija i zaštita ljudskih prava korisnika zdravstvene zaštite – pacijenata, upoznavanje javnosti o postojećim pravima pacijenata i načinu korištenja tih prava kod nas i u svijetu, pružanje pomoći građanima u ostvarivanju njihovih prava kao pacijenata, prikupljanja pojedinačnih opažanja o nedovoljno definisanim odnosima između onih koji omogućuju, onih koji pružaju, te onih koji traže zdravstvenu uslugu, formulisanje prijedloga zakonskih pretpostavki kojima bi se izričito utvrdila prava pacijenata, te promocija i zaštita drugih prava od interesa za zaštitu pacijenata.

#### **Član 6.**

Radi ostvarivanja ciljeva iz predhodnog člana Udruženja obavlja slijedeće dijelatnosti:

- planira i provodi plan i program rada i djelovanja Udruženja u skladu sa ciljevima Udruženja;
- prikuplja i obrađuje odgovarajuću dokumentaciju po svim aspektima bitnom za oblast prava pacijenata, promovira principe prava na zdravlje i zdravstvenu zaštitu pacijenata;
- organizuje samostalno ili u zajednici sa drugim organizacijama javne skupove ( tribine, okrugle stolove, konferencije za štampu...), savjetovanja, seminare, sa ciljem upoznavanja što većeg broja građana sa pravima pacijenata, koja su utvrđena evropskom poveljom o pravima pacijenata;
- može osnovati privredno društvo ili drugo pravno lice radi obavljanja dijelatnosti kojima se ostvaruju ciljevi utvrđeni Statutom;
- organizuje samostalno ili u zajednici sa drugim asocijacijama javne skupove, savjetovanja, seminare i druge oblike javnog prosvjećivanja o svim bitnim okolnostima koje otežavaju ili onemogućavaju ostvarivanje prava pacijenata ili ugrožavaju njihovo zdravlje;
- posredovanje u ostvarivanju zaštite prava pacijenata kod svih domaćih i stranih subjekata;
- saraduje sa međunarodnim i domaćim organizacijama, institucijama i pojedincima koji mogu imati uticaja na zdravstveni sistem i prava pacijenata poput, IAPO (međunarodna aliansa organizacija za zaštitu prava pacijenata) tijela UN, SZO, EU, Savet Evrope, i drugima;
- promocija kvalitetnih uslova rada zdravstvenih radnika koji su u funkciji pružanja zdravstvenih usluga pacijentima, te druge dijelatnosti koje su u funkciji promocije i zaštite ljudskih prava pacijenata.

#### **IV POSTUPAK PRIJEMA I ISKLJUČENJE ČLANOVA**

##### **Član 7.**

Članstvo u Udruženju može biti redovno, počasno i pomažuće.

Redovni članovi Udruženja mogu biti kako fizička tako pravno lica, bez obzira na mjesto njihovog prebivališta ili boravišta ako se dobrovoljno učlane, odnosno da potpišu izjavu da prihvataju ovaj Statut. Sadržaj izjave određuje Skupština.

Počasni članovi mogu postati fizička i pravna lica koja aktivno učestvuju u njenom radu, odnosno, na ostvarivanju njenih ciljeva i ovi članovi nemaju pravo učešća u radu organa Udruženja.

Redovnom i počasnom članu izdaje se članska knjižica, čiji oblik i sadržaj utvrđuje Skupština.

Odluku o prijemu donosi Skupština i o tome bez odlaganja obavještava podnosioca prijave.

##### **Član 8.**

Članstvo u Udruženja prestaje:

Istupanjem,

Brisanjem,

Isključenjem.

##### **Član 9.**

Svaki član Udruženja može slobodno istupiti iz članstva.

Sa odlukom člana udruženja o istupanju iz članstva, upoznaje se predsjednik/ca Udruženja, nakon čega se vrši evidentiranje istupanja.

##### **Član 10.**

Brisanje člana iz evidencije vrši se kada član iz neopravdanih razloga zanemaruje vršenje svojih dužnosti ili ako iz neopravdanih razloga neplaća predviđenu članarinu.

Odluku o brisanju člana iz evidencije donosi Skupština većinom glasova.

##### **Član 11.**

Isključenje iz članstva se vrši u slučaju kada član Udruženja teže povrijedi odredbe ovog Statuta ili drugih pravila Udruženja, ili ako djeluje protivno ciljevima i interesima Udruženja.

Odluku o isključenju donosi Skupština Udruženja.

Isključenje iz Udruženja povlači sa sobom i opoziv tog člana, ukoliko je izabran na određenu funkciju, odnosno predstavnika Udruženja.

##### **Član 12.**

Odluku o isključenju člana Udruženja donosi u pismenoj formi Predsjednik/ca Udruženja.

Isključeni član ima pravo žalbe Skupštini u roku od 15 dana od prijema odluke o isključenju.

Odluka Skupštine nakon podnošenja žalbe je konačna.

## **V PRAVA I OBAVEZE ČLANOVA UDRUŽENJA**

### **Član 13.**

Prava i dužnosti redovnih članova Udruženja su:

- da biraju i budu birani u organe Udruženja;
- da učestvuju u radu Udruženja;
- da razmatraju i ocjenjuju rad organa Udruženja;
- da pokreću pitanje odgovornosti i opoziva članova Udruženja;
- da budu blagovremeno informirani o radu Udruženja ;
- da prisustvuju svim skupovima, da daju prijedloge, postavljaju pitanja i traže odgovore;
- da ostvaruju određena prava i pogodnosti u skladu sa Odlukama i drugim aktima Udruženja;
- da se pridržavaju odredaba ovog Statuta;
- da aktivno učestvuju na ostvarivanju ciljeva i izvršavanja zadataka Udruženja;
- da čuvaju ugled Udruženja kroz prihvatanje i promovisanje pozitivnih iskustava i prakse.

## **VI ORGANI UDRUŽENJA**

### **Član 14.**

Organi Udruženja su: Skupština i Predsjednik/ca Udruženja, a po potrebi i Upravni odbor ili drugi organ, ako ih Skupština osnuje. Dok još nema potrebe za njihovim osnivanjem, u periodu između održavanja skupština, Skupština može osnovati „Stručni tim“ na kojeg može prenijeti neke svoje nadležnosti. Stručni tim čini Predsjednik/ca udruženja i dva člana udruženja.

### **Član 15.**

Najviši organ Udruženja je Skupština.

Skupštinu s brojem 100 čine svi redovni članovi Udruženja.

Skupštinu s brojem članova preko 100 čine delegati koji se biraju u omjeru 1:20 delegat redovnih članova u skladu sa odlukom Skupštine.

### **Član 16.**

Skupština se sastaje po potrebi, a najmanje jedanput godišnje. Saziva je predsjednik/ca Skupštine 15 dana prije njenog zasjedanja.

Predsjednik/ca Skupštine je dužan/na sazvati Skupštinu u slučaju kada to zahtjeva najmanje 1/3 članova Skupštine ili kada to zatraži Predsjednik/ca Udruženja

Radom Skupštine rukovodi predsjednik/ca Skupštine. Skupština radi i odlučuje na osnovu Poslovnika o radu.

Poslovnik o radu se usvaja na prvoj sjednici Skupštine.

### **Član 17.**

Skupština punovažno odlučuje prostom većinom glasova prisutnih članova.

Izjašnjavanje na sjednici Skupštine je javno.

Skupština se može o pojedinim pitanjima izjašnjavati i tajnim glasanjem, kad to zahtijeva najmanje 50 posto plus jedan član Skupštine.

Tajno glasanje vrši se putem glasačkih listića.

#### Član 18.

Skupština Udruženja:

- donosi Statut, izmjene i dopune Statuta i druga akta Udruženja određena Statutom;
- daje saglasnost na pravne radnje poduzete u postupku osnivanja udruženja;
- imenuje i opoziva lice ovlašteno za zastupanje i predstavljanje Udruženja;
- usvaja izvještaje koje je pripremio lice ovlašteno za zastupanje i predstavljanje;
- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim pitanjima;
- bira i razrješava Predsjednika/cu Udruženja;
- usvaja godišnji program i plan rada Udruženja i strateški plan Udruženja;
- donosi financijski plan Udruženja;
- usvaja završni račun Udruženja;
- obavlja druge poslove i zadatke u skladu sa zakonom, ovim Statutom i drugim opštim aktima Udruženja.

#### Član 19.

Za vršenje određenih poslova Skupština može imenovati sekretara asocijacije kome će posebnom odlukom precizirati njegove ovlasti kao i obrazovati i druge radne grupe, odbore i sl.

#### Član 20.

Predsjednik/ca Udruženja bira Skupština, na mandatni period od četiri godine.

Predsjednik/ca Udruženja je po funkciji Predsjednik/ca Skupštine a za svoj rad odgovara Skupštini.

Predsjednik/ca Udruženja je naredbodavac za izvršenje finansijskog plana Udruženja i odgovoran za zakonitost rada Udruženja.

Predsjednika/cu Udruženja u odsutnosti mijenja lice imenovano posebnom odlukom Skupštine Udruženja, sa svim obavezama, ovlaštenjima i pravima Predsjednika/cu Udruženja.

#### Član 21.

Predsjednik/ca Udruženja je obavezan da poslovanje udruženja vodi po pozitivnim zakonskim propisima, odredbama Statuta Udruženja i odlukama Skupštine Udruženja.

#### Član 22.

Predsjednik/ca Udruženja ima prava, dužnosti i odgovornosti:

- rukovodi radom Udruženja i organizira rad Udruženja;
- zastupa i predstavlja Udruženje;
- priprema sjednice Skupštine;
- priprema i predlaže nacrt izmjena statuta i drugih akata koje donosi skupština Udruženja
- provodi politiku, zaključke i druge odluke koje je donijela skupština;
- upravlja imovinom udruženja;
- podnosi godišnje ili periodične izvještaje o svom radu skupštini na usvajanje;
- obavlja i druge poslove utvrđene Statutom Udruženja i pozitivnim zakonskim propisima.

#### Član 23.

Upravni odbor je organ Udruženja, čije formiranje nije obavezno, a ako je formiran onda je izvršni organ Skupštine, koji se stara o sprovođenju ciljeva Udruženja utvrđeni ovim Statutom.

Upravni odbor ima najmanje je 5 članova, koje bira i opoziva Skupština.

Upravni odbor iz reda svojih članova bira predsjednika/cu i zamjenika predsjednika/cu.

Mandat Upravnog odbora traje četiri godine i njegovi članovi se mogu ponovo birati na istu funkciju

#### Član 24.

Upravni odbor vrši slijedeće poslove:

- donosi odluke radi ostvarivanja ciljeva Udruženja;
- priprema i predlaže izmjene Statuta i drugih akata koje donosi Skupština;
- sprovodi politiku, zaključke i druge odluke, donesene od strane Skupštine;
- upravlja imovinom Udruženja;
- podnosi Finansijski izvještaj i Izvještaj o radu Udruženja;
- donosi odluke o nagradama i priznanjima;
- osniva stalna i povremena radna tijela;
- predlaže počasne članove Udruženja;
- odlučuje o drugim pitanjima za koja nisu, zakonom ili ovim statutom, ovlašćeni drugi organi Udruženja;
- obavlja i druge poslove koje mu povjeri Skupština.

Upravni odbor punovažno odlučuje ako je prisutno najmanje jedna polovina članova, a odluke donosi većinom glasova svih članova.

### **VII SREDSTVA UDRUŽENJA, NAČIN KORIŠTENJA I KONTROLA**

#### Član 25.

Udruženje stiče sredstva od:

- članarine;
- dobrovoljni prilozi i pokloni pravnih i fizičkih lica
- finansijska sredstva iz budžetskih donacija,
- prihodi od kamata, dividendi, dobiti od kapitala, zakupnina, honorara isličnih izvora pasivnih prihoda;
- prihodi stečeni obavljanjem privrednih djelatnosti u skladu sa Zakonom;
- ostali prihodi stečeni u skladu sa Zakonom i statutom.

#### Član 26.

Za finansijsko-materijalno poslovanje Udruženja odgovorna je Skupština udruženja i Predsjednik/ca udruženja.

#### Član 27.

O raspolaganju osnovnim sredstvima, pokriću gubitaka i otpisu nenaplativih potraživanja odlučuje Skupština.

#### Član 28.

Utrošak sredstava utvrđuje se periodičnim obračunom i završnim računom Udruženja.

Skupština vrši kontrolu:

- sprovođenja Statuta i drugih akata Udruženja
- sprovođenje odluka Skupštine;
- sprovođenje programa i plana rada Udruženja;
- zakonitost u oblasti finansijskog poslovanja Udruženja;
- sprovođenje odluka, zaključaka i drugih akata Udruženja.

## VIII JAVNOST RADA

### Član 29.

Rad udruženja je javan.

Javnost rada ostvaruje se neposrednim informiranjem i putem sredstava javnog informiranja.

### Član 30.

Radi ostvarivanja svojih ciljeva Udruženja uspostavlja kontakte i saraduje sa drugim udruženjima u zemlji i inostranstvu.

Udruženja može pristupiti međunarodnim udruženjima za zaštitu prava pacijenata i udruženjima podudarnim ciljevima, o čemu odluku donosi Skupština.

### Član 31.

Članovi udruženja moraju biti redovno i istinito informirani o radu udruženja. Za javnost rada odgovoran je Predsjednik udruženja.

## IX IZMJENE I DOPUNE STATUTA

### Član 32.

Skupština udruženja je isključivo nadležna za izmjene i dopune Statuta. Skupština udruženja je autentični tumač odredbi Statuta.

### Član 33.

Pokretanje postupka za izmjene i dopune Statuta može pokrenuti Skupština ili Predsjednik/ca udruženja Odluka o izmjeni i dopuni Statuta se donosi kada za nju glasa 2/3 delegata Skupštine.

## X OBLIK I SADRŽAJ PEČATA

### Član 34.

Udruženje ima pečat okruglog oblika prečnika 30 mm u kojem je u sredini napisano „PACIJENT“, u donjem dijelu **Banja Luka** a okolo ispisano naizmenično "**Internacionalno udruženje za zaštitu prava pacijenata**".

Asocijacije ima svoj znak/amblem, čiji se oblik i sadržaj određuje odlukom Skupštine asocijacije.

## **XI ZASTUPANJE UDRUŽENJA**

### **Član 35.**

Predsjednik/ca udruženja je ovlašteno lice i zastupa i predstavlja udruženja u pravnom prometu u skladu sa pozitivnim zakonskim propisima.

## **XII STATUSNE PROMJENE UDRUŽENJA**

### **Član 36.**

Udruženje se može spojiti, razdvojiti ili transformirati samo u drugo udruženje.

### **Član 37.**

Način spajanja ili razdvajanja, odnosno transformacije utvrđuje Skupština udruženja prema prijedlogu Predsjednika/ce udruženja.

### **Član 38.**

Odluke u pogledu statusnih promjena udruženja, njegovo spajanje ili razdvajanje može donijeti Skupština ukoliko za odluku glasa 2/3 članova.

### **Član 39.**

Odluku o prestanku rada Udruženja, može donijeti isključivo Skupština, ukoliko za Odluku glasa 2/3 članova.

Udruženja prestaje sa radom i ako su ispunjeni uslovi o prestanku rada udruženja u skladu sa zakonom.

## **XIII RASPOLAGANJE IMOVINOM NAKON PRESTANKA UDRUŽENJA**

### **Član 40.**

Skupština udruženja donosi odluku 2/3 većinom članova o načinu raspolaganja imovinom i preostalim sredstvima udruženja.

### **Član 41.**

Udruženje prestaje sa radom odlukom Skupštine, kada prestanu uslovi za ostvarivanje ciljeva udruženja, kao i u drugim slučajevima predviđenim Zakonom.

### **Član 42.**

U slučaju prestanka rada udruženja, imovina udruženja prenjeti će se na domaće nedobitno pravno lice koje je osnovano radi ostvarivanja istih ili sličnih ciljeva, odnosno Skupština udruženja će odlukom o prestanku rada udruženja odrediti i kome se prenosi imovina udruženja u skladu sa Zakonom.

## **XIV POSEBNE ODREDBE**

### **Član 43.**

Udruženja može u okviru svoje djelatnosti i programskih ciljeva osnivati subjekte za privredne i druge djelatnosti pod uslovima utvrđenim zakonom i ovim Statutom. Odluku iz prethodnog stava donosi Skupština udruženja.



Član 44.

Udruženje za svoje obaveze odgovara cjelokupnom svojom imovinom.

Član 45.

Udruženja može saradživati sa drugim asocijacijama.

Udruženja može sklapati sporazume o zajedničkom radu sa domaćim i međunarodnim asocijacijama ako djelatnost tih udruženja nije u suprotnosti sa Ustavom i zakonom.

Odluku o učlanjenju i udruživanju u smislu stava 1. i 2. ovog člana donosi Skupština na obrazložen prijedlog Predsjednika/ce udruženja.

**XV PRELAZNE I ZAVRŠNE ODREDBE**

Član 46.

Na sva pitanja koja nisu bliže regulisana ovim statutom primjenjuju se važeće zakonske odredbe.

Član 47.

Ovaj Statut stupa na snagu danom donošenja, a primjenjuje se od dana upisa kod nadležnog suda.

Banja Luka, 21. 10. 2013. godine

**Predsjedavajući osnivačka skupštine**

---